

欽定四庫全書

子部

外臺秘要方卷二十四



南京中医药大学图书馆版权所有

詳校官太醫院吏目臣宋桂

編修臣倉聖脈覆勘

欽定四庫全書

外臺秘要方卷二十三

癭病方一十八首

唐 王燾 撰

病源癭者由憂恚氣結所生亦由飲沙水沙隨氣入於
脈搏頸下而成之初作與癭核相似而當頸下也皮寬
不急垂搥搥然是也恚氣結成癭者但垂核搥搥然無
脈也飲沙水成癭者有核癭癭然無根浮動在皮中又

云有三種癭有血癭可破之息肉癭可割之有氣癭可
具針之養生方云諸山水黑土中出泉流者不可久居
常食令人作癭病動氣增患

出第三十
一卷中

肘後療頸下卒結囊漸大欲成癭海藻酒方

海藻

一斤
去鹹

清酒

二升

右二味以絹袋盛海藻酒漬春夏二日一服二合稍
稍含咽之日三酒盡更以酒二升漬飲之如前滓暴
乾末服方寸匕日三盡更作三劑佳

崔氏文
仲同

又方

昆布海藻等分末之蜜丸含如杏核大含稍稍咽

汁日四五

並出中卷

深師療癭方

桂心

昆布

洗

海藻

洗

甘草

炙

白麴

蒸錢三分

龍膽草

海蛤

研

土瓜根

半夏

洗

吳茱萸

牡蠣

熬各一兩

右十一味為散酢漿水服五分匕先食日三十日知

盡藥愈卽食鹽羊肉飭生葱蒜菜

又方

海藻

洗二分

龍膽草

分二

昆布

洗二分

土瓜根

分二

半夏

洗二分

小麥麴

炒二分

右六味為散先食酒服方寸匕日三二十日知三十

日愈忌羊肉飭

並出第二十九卷中

小品癭病者始作與癭核相似其癭病喜當頸下當中
央不偏兩邊也乃不急脰然則是癭也中國人息氣結

癭者但垂腿腿無核也長安及襄陽蠻人其飲沙水喜
癭有核癭癭耳無根浮動在皮中其地婦人患之腎氣
實沙石性合於腎則令腎實故病癭也北方婦人飲沙
水者產乳其於難非針不出是以比家有不救者良由
此也

療癭方

小麥

一升

醇苦酒一升漬小麥令釋漉出暴燥復漬使苦酒盡

暴麥燥擣篩以海藻三兩別擣以和麥末令調酒服

方寸匕日三禁鹽生魚生菜豬肉

肘後崔氏備急云
療三十年癰疾集

驗文仲范汪等同出第十
卷中肘後用海藻五兩

集驗療癰酒方

是水雨經露出柳根

三十斤

右以水一斛煮得五斗同米三斗釀之酒成先食服

一升日三

范汪同出
第四卷中

崔氏海藻散療癰方

海藻

八兩洗去鹹汁

貝母

二兩

土瓜根

二分

小麥麴

二分

炒

右四味作散酒服方寸匕日三

又方

秫米

三升依酒法炊

右一味取圓葉白楊皮十兩去上蒼者慎勿令見風細切以水五升煮取二升濃汁漬麴末五兩用前件秫米依酒法醖之熟訖封塞一七日然後空腹服一

大盞日再服三日內即効神驗無比

並出第四卷中

張文仲隱居効驗療癭方

昆布洗

松蘿各三分

海藻五分

右三味搗蜜丸如杏核大含咽津日三夜二大佳

備急

肘後同

又療癭司農揚丞服効第一方

昆布六分洗

海藻七分

松蘿

乾薑

桂心各四分

通草五分

右六味搗篩蜜丸如梧子一服吞七丸即住在頸下
癭處欲至食時即先飲少酒下却丸子後進食禁酢
蒜鹽酪臭肉倉米等若癭大者加藥令多取差

又第二方

昆布

洗

海藻

洗各
一斤

右二味細切好酒五升浸七日量力取數服酒盡以
酒更浸兩遍藥力盡當以此酒下前丸藥益善

備急
肘後

同

又方

小麥

三升

右以三年米酢三升漬麥暴乾乾更浸使酢盡又暴乾擣篩為散別擣昆布為散每服取麥散二匕昆布散一匕旦飽食訖清酒和服之若不能飲酒者以水和服亦得服盡即差多服彌善無所禁但不用舉重

及悲啼煩惱等事

肘後備急
集驗同

又含丸方

檳榔

三兩

馬尾海藻

三兩洗

昆布

三兩洗

右三味末之蜜丸如雞子黃大每日空腹含一九徐

徐令津液取汁咽之忌鹽並楊丞方服驗

肘後備急同並出第

六卷

中

救急療癰要切方

鼠粘草根

一升湯洗

右細切除皮者一升一物以水三升煮取一升半分

溫三服服相去如人行四五里一服宜頓服六劑病

即差一方削除皮細切取三大升擣篩為散蜜和丸

如梧子一服二十九日再服之稍稍加至三十九以

無灰酒進之

出第五卷中

古今錄驗療氣癭方

晉州熙公奏徐公方

問荊

一兩出
海島

羯羊靨

五具去
脂炙

白欬

椒目

甘草

炙各一分

小麥麴末

二兩
熬

右六味擣篩為散羊靨一種別擣為末相和好漿浸

更擣作丸如小棗大一服五丸無禁

又方

羊靨一百枚煖湯浸去脂炙大棗二十枚去皮作
丸服忌慎如常藥法

又方

取羊靨一具去脂含汁汁盡去皮日一具七日含
便差

又療癭海藻散方

海藻

洗十分

昆布

洗一兩

海蛤

研一兩

通草

一兩

菰蘿洗

乾薑

桂心各二兩

右七味下篩酒服一錢匕日三

出第四十一卷中肘後無乾薑有白欬

氣癭方一十首

廣濟療氣癭氣胃膈滿塞咽喉項頸漸麤昆布丸方

昆布二兩洗去鹹汁通草一兩

羊靨二具炙

海蛤一兩研

馬尾海藻一兩洗去鹹汁

右五味蜜丸如彈子細細含咽汁忌生菜熱麵炙肉

蒜笋

又療冷氣築咽喉噎塞兼癭氣昆布丸方

昆布

洗 八分

乾薑

六分

犀角

屑 六分

吳茱萸

四分

人參

八分

馬尾海藻

洗 四分

葶藶子

六分

杏仁

八分

去皮

炙熱

右八味搗篩蜜丸如梧子空腹以飲服忌生冷粘食

陳臭等餘忌同前

又療氣妨塞方

昆布

洗 三兩

菰蘿

通草

柳根鬚

各三